

899

ŠTA DA  
17-08-2015  
Aleksić

Broj: 01-05-19701/15 KM  
Sarajevo, 14.08.2015. god.

## SKUPŠTINA KANTONA SARAJEVO SARAJEVO

### PREDMET: Odgovor na „Poslaničko pitanje“

U prilogu dopisa dostavljamo Vam odgovor na postavljeno poslaničko pitanje na 5. Radnoj sjednici Skupštine Kantona Sarajevo održanoj dana 21.07.2015. godine, a od strane poslanika Ismir Jusko.

#### Pitanje:

„Tražim od direktora Kantonalnih Javnih preduzeća slijedeće informacije:  
Da li su zadržali savjetnike, koliko savjetnika i kolika su njihova primanja na godišnjem nivou, nabrojati pojedinačno za svaku savjetničku poziciju?  
Da li su ukinuli pozicije savjetnika i kolika je ušteda na godišnjem nivou ukidanjem tih pozicija?  
Da li su bivše savjetnike prebacili na druge radne pozicije, o kojim pozicijama se radi i koliko su savjetnika rasporedili na druga radna mjesta?“

#### Odgovor :


Ministarstvo saobraćaja Kantona Sarajevo uputilo je zahtjev broj: 04-27-sl./15 od 27.07. 2015. godine prema KJKP „Gradski saobraćaj“ d.o.o. Sarajevo za dostavu podataka po postavljenom poslaničkom pitanju.  
Dopisom broj 10289 od 13.08. 2015. godine, KJKP „Gradski saobraćaj“ d.o.o. Sarajevo dostavilo je slijedeće podatke:

U pravilniku o sistematizaciji radnih mjesta, kao sastavnog dijela Pravilnika, koji se primjenjivao do maja 2015. godine bila su sistematizovana radna mjesta „Savjetnik“ i (3) zaposlenika su bila raspoređena na ista i to:

1. Nezira Džamaliya, dipl. ecc., „Savjetnik direktora preduzeća I“
2. Šaćir Boškajlo, dipl. el. ing., „Savjetnik direktora preduzeća I“
3. Branislav Petrović, dipl. ecc., „Savjetnik direktora preduzeća II“, koji sa 31.05. 2015. godine ispunjava uslove za penziju i nalazi se na spisku za penzionisanje.

Nakon zauzimanja stava od strane Skupštine Kantona Sarajevo da se ukidaju savjetnička radna mjesta u javnim preduzećima, KJKP „Gradski saobraćaj“ d.o.o. Sarajevo zaposlenike koji su obavljali poslove „Savjetnika“ raspoređuje na druga radna mjesta u skladu sa njihovom stručnom spremom.

KJKP „Gradski saobraćaj“ d.o.o. Sarajevo je u mjesecu maju 2015. godine usvojilo novi Pravilnik o radu i Sistematizaciju radnih mjesta i po istom nije predviđeno radno mjesto „Savjetnik“.



Također isičemo da su savjetnička radna mjesta bila vrednovana kao i druga radna mjesta sa Visokom stručnom spremom (VSS).

U tabeli dajemo pregled primanja zaposlenika raspoređenih na radnom mjestu „Savjetnik“ i raspored na nova radna mjesta kako slijedi:

	Ime i prezime zaposlenika		
	Šaćir Boškajlo, dipl. el. ing.	Nezira Džamaliya, dipl. ecc.	Branislav Petrović, dipl. ecc.
Radno mjesto po Sistematizaciji i startni osnov	„Savjetnik direktora preduzeća I“ 15.400 bodova	„Savjetnik direktora preduzeća I“ 15.400 bodova	„Savjetnik direktora preduzeća II“ 13.800 bodova
Raspoređen na radno mjesto (nakon ukidanja radnog mjesta „Savjetnik“) i startni osnov (obračun plaće po novom rasporedu je od mjeseca april 2015.)	Šef Odjeljenja tehničkog razvoja 14.300 bodova	Koordinator (minibuski saobraćaj) 13.000 bodova	Analitički poslovi 11.000 bodova  od 31.05. 2015. imenovani ispunjava uslove za penziju
Primanja zaposlenika u 2014. godini	plaće: 17.286,73 KM topli obrok: 2.760,00 KM ukupno: 20.046,73 KM	plaće: 17.877,73 KM topli obrok: 2.604,00 KM ukupno: 20.481,73 KM	plaće: 14.735,14 KM topli obrok: 2.136,00 KM ukupno: 16.871,14 KM

Prema usvojenom novom Pravilniku o radu i Sistematizaciji radnih mjesta, kao sastavnog dijela imenovani su raspoređeni na radna mjesta sa Visokom stručnom spremom, koeficijent 4,0.


Kada su u pitanju uštede na godišnjem nivou ukidanja pozicija „Savjetnik“ u trenutku pisanja odgovora, raspoložemo sa podacima uposlenika Petrović Branislava koji sa 31.05. 2015. godine je ispunio uslove za penziju, ušteda će biti cca 17.000,00 KM obzirom da je Sistematizacijom predviđeno da odlaskom u penziju imenovanog se smanji broj izvršilaca.

O efektima ukidanja pozicija „Savjetnik“ i rasporeda zaposlenika na druga radna mjesta u skladu sa njihovom stručnom spremom za ostale zaposlenike nemamo podatke iz razloga što isplata plaća kasni, zadnja obračunata i isplaćena plaća je za mjesec april 2015. godine i ista je umanjena za 10%, a obračun plaće po novoj Sistematizaciji još nije urađen.

S poštovanjem,

Dostaviti:

- Skupština Kantona Sarajevo
- evidencija
- arhiva



MINISTAR  
Dr.sc Mujo Fišo



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)

Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

